



394260

Mag. St. Dr.

III

Biblioteka Jagiellońska



stdr0021827

52 22  
C H E R U B I N

Ecclesiae Militanti 3 Teol 5416

P R A E S I D I A

F E R E N S. 3412

D I V I N I S S I M U S

T H O M A S

D E

A Q U I N O.

Angelicus & Ecclesiae Doctor.

Recurrente Solemnitatis suae Festo,

*In Basilica Sanctissimae TRINITATIS*

Ordinis Praedicatorum,

Celeberrimi Conventus Cracoviensis,

*Præsente Magnorum Hospitum Corona,*

*A*

M. THOMA ALEXANDRO MALYSZKO,

Philosophiae DOCTORE, in Classibus Novodvorscianis Scholae Rhetoricae

PROFESSORE, Contubernii Hierosolymitani SENIORE.

Stylô Oratoriô

DEMONSTRATUS.

*Annô Quô*

*AngeLVseXCeLsVs ReXetDVXnatVs aMore.*

*Die 7ma Martii. 1750*

---

Typis Collegii Majoris, Universitatis Cracoviensis.

Hábent id Magna Nomina, ut  
quemadmodum de illis fre-  
quentes intermiscantur ser-  
mones, ita si quid de iisdem  
posteritati commendatur, ad  
legendum alliciant.

*Anonymus.*

Quoties Liber quispiam scri-  
bi jubetur, non tantum ho-  
nořem spectat author à lábo-  
re, quantum ab obsequio.

*Sidonius. Lib: 6. Ep: 16.*

Videtur, quid quid literis man-  
datur, id commendari omni-  
um eruditorum lectione de-  
cere.

*Cicero 2da Tusc.*

D I V I N I S S I M O  
H Y A C I N T H O

*primum*

Cathedrali Cracoviensi

C A N O N I C O,

*expost*

Sacerrimi Ordinis Prædicatorum

P R O F E S S O.

In vita & post mortem Miraculis

C L A R I S S I M O.

à CLEMENTE Papa VIII. in numerū Srūm

R E L A T O.

Regni Poloniæ & Magni D. Lithv. Principali

P A T R O N O.

D. D. D.



*Terrestria Numina ad sui commen-  
dationem operis querere, sit aliis gloriosum; ego  
Sancto Nomini, Honorique Tuo, officiosas Di-  
vi Doctoris Angelici Cælo terrisque vocalissimi  
laudes, merito existimavi offerendas. Confessor  
Sanctissime HYACINTHE. Sublimis enim Sa-  
piensia & altitudine doctrina Cherubin THO-  
MAS demissiori meâ colitur. svadâ, Te quoque elevatum amore Divino  
Seraphim Christianus Orbis veneratur. Illum militans Ecclesia inex-  
pugnabilem Defensorem recolit, Te Sanctæ Fidei, & Ordinis primum  
in Septentrione Propagatorem recognoscit. Illum tot Miracula, quot  
doctis*

doctissima Oracula edidisse fatentur Romani Pontifices, Te quot gressus, tot miræ Sanctitatis vestigia & stupenda prodigia fecisse declarant. Illum ex Illustrissimis Comitibus Aquinaticis oriundum tam genere quam virtute præstantissimum vident secula, Te ex præcella Odroważiana Familia in Orbe Polono clarissima procedentem, æque naturâ ac probitate Principem, adusq; fama publica narrat. Illum Scholastica docentem stupuere Cathedra, Te Ecclesiastica prædicantem Exedra mirabantur. Ille Præsuleas renuit acceptare Tiaras, Tu Cathedralia dereliquisti Stalla, Illi vocem CHRISTI approbantis audire perjucundum erat, Tibi cum Dei Para VIRGINE (varia habere colloquia amanissimum. Consonum ergo manet ut Nominis Aquinatici gloria, cum Tua propè simili jungatur HYACINTHE Divinissime, & sicut Vos jam, ejusdem Magni Patris DOMINICI Filios Cælestis sociavit Patria, ita cultus qui Vobis perhibetur in terris, ut simul rependatur, non incongruum est, Angusti sunt præsentium paginarum margines, ad complectendas effusissimas Tui laudes, imò omnes Librorum columna infra mensuram tui honoris manent, & conscius tenuitatis labor, nihil ad commendationem ui habet, præter vera Aquinatica Elogia Tuo Nomini Sancto dedicata. Stylus meus non tam floridus quam devotus, te HYACINTHVM Sanctitate virtutibus, & miraculis vernantissimum, odore gratiarum fragrantissimum, dum obiter describit, humilem adoratorem certiolem efficit, quòd pium suscipies desiderium & Clientem perenni protectione fovebis. Non despice igitur Sancte Pater, hanc ex se exiguam operam, laudibus Aquinaticis commendabilem, immortalis Tuo consecratam Honori. Non despice preces Clientis, se tuo indefinente Patrocinio commendantis, qui supplicem ad Sacra Lipsana Tua reponit Libellum.

## SANCTISSIMI NOMINIS TVI

perpetuus Cultor & mancipium,  
AUTHOR OPERIS.

# ORATIO.

M. Jag.



Tante Sabbatho hodierno, cum solempne Divi Doctoris Angelici Festum, recolens Oratoris animus, diligentius intra se meditatur & studiosius inquirat, quis cultus sermonis? quod par Magno THOMÆ Nomini elogium recitandum? ipse dierum in Ecclesia

per sæcula succedentium tractus, non interrupta serie laudes Aquinaticas celebrans sufficienter informat. AA. Quotquot annorum lustra, volubili temporum elapsa recursum computantur, hæc Illustri mirâ sapientia & sanctitate Doctori calculum laudum superaddunt, quotquot dierum circuli variis revolutionibus Ecclesiæ prætergressi numerantur, Angelicæ Doctrinæ infinitam elogiorum abeunt in coronam. Vita humana militia & Ecclesia militans super terram, quàm hæc bene regitur, illa defenditur inconcussâ THOMÆ doctrinâ, quis non fateatur? Decertat continuo pro evictione veritatis non sine trophæis Ecclesia, militat incessanter non sine gratiarum signis pro gloria DEI, sed quantum adjumenti habeat ex solidissima THOMÆ scriptura, quis non videat? cum hac ceu clypeo, & tela hæreticorum elidit feliciter, & protegit veritatem stabiliter. Quotquot monstrosos stygia Regio ediderat partus, integritati Ecclesiæ inhiantes, veritatem non dubiam impugnantes, his omnibus opposita Doctoris Angelici sapientia, credo sufficit profligandis. Hæc im-

B

mania

mania terræ portenta ( hæreses intelligo ) solis er-  
roribûs tumida, pacem inviolatam Ecclesiæ ausu  
temerario perturbantia, quoties malefana attollunt  
capita, calamus THOMÆ acsi gladius iis sufficit  
enecandis. Tam insanos malignantium sæculo-  
rum partus ad numerum revocare Oratorium,  
non est muneris & propositi mei, quantum tamen  
ex solidissima THOMÆ doctrina militanti Ec-  
clesiæ tutaminis, ex clarissima Solis Aquinatici sa-  
pientia quantum splendoris, ex limatissima re-  
gulisq; omni exceptione majoribus perpolita ar-  
te, quantum ornamenti accedat; ex mira vitæ san-  
ctimonia quantum exempli orthodoxis adveniat,  
ad præsens indagandum est. Prodigium sapien-  
tiæ, noncupandus THOMAS, cujus alti sensus at-  
tonitam mentem humanam rapiunt in stuporem.  
Oraculum Verbi Increati promulgandus adest,  
cujus ore Ipsa Veritas æterna loqui videtur, pan-  
ditq; arcana, solis Patriæ supernæ comprehensori-  
bus manifesta. Abyssus ex ethymo, an compen-  
diosa Doctorum Epithome dicendus THOMAS,  
cujus profunda Dogmata plenitudinem omnis sa-  
sipientiæ comprehendunt, retinentq; totum in  
parte conclusum. Bonum ex integra causa THO-  
MAS, optima quæq; supergrediens, ab Ipso Incre-  
ato Verbo approbatum, Cælis terrisvè nimis ac-  
ceptabile. Thronus est Altissimi, super Abylso  
gloriæ Aquinaticæ locatus, in quo Majestas im-  
mensa & revelata Numinis inscrutabilis Mysteria  
evidèter spectâtur. Anchorâ ego poti' navim Petri  
in tuto collocantè justè dixerim THOMAM, qui per  
varios temporum tractus, viâ veritatis orthodoxæ  
deduxit eandem ad insulas fortunatas. Probat  
THO-

THOMAM sole clarior nulliusq; labis conscia doctrina, Magistrum perfectionis Evangelicæ, inter Sanctos eruditissimum inter eruditos Sanctissimum, mille titulis præferendum, plurimis elogiis celebrandum. In tam ampla THOMÆ elogia dum oculos animumq; converto, immensa est Aquinaticæ gloriæ materies, plura quæ occurrunt præterire cogor, & quod præcipuum est Divi Doctoris Angelici attributum, hoc in dictionem venit oratoriam. Prodit ad Martium Mensẽ Athleta pro bono Ecclesiæ strenuissimus, Heros arte invincibili commendatus, in carne Angelus, altitudine mentis non solum homines, sed & Angelos prætergressus. Prodit inquam Angelicus Heros, per cujus Tractatus pax stetit militanti Ecclesiæ, per articulos fides consolidata Romana, per Quæstiones silentium Hæreticis impositum, per Summam Theologicam omne pretium venit Religioni orthodoxæ. Motrix est intelligentia D. Angelicus Doctor, quo impellente regulares absolvit Sphæra Ecclesiæ motus, quo protegente adversa quævis superat & veritatem evincit. Sacerrimum Dominici Ordinem Cælum ego veneror, in quo Hic fortis magniq; consilii Angelus fovebatur, qui de altissimis scripsit sublimiter ac si ea palparet, abstractissima penetravit subtiliter, ac si illa tangeret, obscura Mysteriorum arcana revelavit evidenter, ac si hæc in DEO videret. Vidit THOMAS in speculo essentiæ Divinæ prima Ejus attributa, & ea terris revelavit, vixit in carne Angelus summâ sapientiâ & virtutibus conspicuus & exinde supremæ Intelligentiæ comparandus. Ergo D. Doctor Angelicus, Cherubim Ec-



clesiæ militanti Præsidia ferens, pace Vestra hodie demonstrabitur. Non denega auxiliare præsidium imbelli dictioni Cherubim verbo & opere fortissime, THOMA Divinissime, ut exanime orationis corpus in laudum Tuarum tractu non fatiscat, vivifica gratiæ Tuæ subsidio, permittite de Te supremo Angelo an Doctore Angelico, saltem humano modo aliquid edisserere. Date Vestras mentes supremæ Intelligentiæ AA. Sapientissimi, & decertantem pro Ecclesia Cherubinum auscultabitis, modò illi benevola pectora & mihi attentionis Vestræ concedite campum.

**Q**uamvis humiliori svadæ, altos Cælorum perscrutari Choros, & crassiori eloquio subtilem Angelorum indagare naturam minus conveniens sit; ut tamen inde profiscatur Oratio mea, unde sumpsit initium, Cherubinorum contemplari statum præsentis mei instituti esse, argumentum à necessario censeo. AA. Supernas Cæli Hierarchias Spiritus dum pervolat Oratorius. Cherubinos, sapientum Sphærarum Motrices primasq; Intelligentias esse videt. Sublimis est Cherubim ex suæ perfectione naturæ, quâ sicut alias creaturas excellit, ita primum Altissimi præsefert Ministerium. Sublimis est Cherubim, quem elevat scientia Divina, ut enim fons ab æquore spatioso limpharum abundantiam; sic ille ab inexhausto Sapientiæ Divinæ Oceano, cognitionis derivat plenitudinem. Specula sunt pellucida Cherubini, in quibus Divina clarè relucet sapientia, & in alios reflexa corruscat. Illustrat crystallus opposita sibi corpora, cum directos Solis recipit in se radios, illustrent cæteras Cherubini Sphæras cum

cùm ab Increato Sole lumen participant copio-  
sum. Spargit exoriens in sphaera Cælesti Titan,  
primos lucis suæ radios in colles propinquos &  
elata montium cacumina; Fons luminis incom-  
prehensibilis DEUS, splendorem suæ sapientiæ in  
proximos Cherubinos, quorum tota proprietas  
est, arcana Divino latentia sub pectore sibi primò  
cognita aliis revelare. Sed subsiste dictio Orato-  
ris, sublimes Sphærarum indagare Hierarchias?  
desine super cardines Cæli primas quærere intel-  
ligentias, terraqueum potiùs divertas in Orbem  
& Divinissimum Aquinatem talem Angelum in  
corpore adorabis. Motrix est Sapientum Sphæ-  
rarum Intelligentia THOMAS, ad cuius nutus to-  
tus volvitur Orbis literarius, omnes eruditorum  
circuli ad arbitrium THOMÆ regulares absol-  
vunt motus, & de Ejus participant sapientia. Na-  
sci Deos in terris si compertum est, & Angelum  
THOMAM natalia sua, celebravisse in sphaera  
terrestri, non sit mirum. Prognatus aliàs Patre  
Landulpho Comite Aquinatico & Matre Theo-  
dora de Regibus Siciliae & Arragoniæ oriunda.  
Et bene: Decuit THOMAM talia subiisse nata-  
lia, nam si donum DEI Theodora dicitur, alium  
non edit Filium nisi Cæli donum, nisi Angelum  
in carne apparentem. Celsissimam Aquinaticam  
Domum, justè ego stellatum vocaverim Cælum,  
in quo tot sydera radiantia micant, quot Princi-  
pes ex ea, quot Coronati Soles, & prima in orbe  
terraqueo luminaria fulgent. Cælum inquam ju-  
re merito dixerim ab Aquis Aquinaticis Crystal-  
linum, ex omni parte diaphanum & nativi splen-  
doris

doris totum per orbem diffusivum. Hoc in Cælo primum ortum sui Cherubim noster habuit, Cui ex Principatibus Potestatibus Thronis Siciliae & Aragoniae non modicum ornamentis, plurimum splendoris accessit, quanquam Ipse ab In-creato Lumine jam satis lucis derivaverit. Inter homines progenitus THOMAS vivit tanquam Angelus ingenio solo, ipsi enutritur virtutibus. Infans adhuc THOMAS & maturae Sanctitatis indicia monstrat, cum Reginae Caelorum inscriptam Nomine conspiciens schædam, eandem nutibus fletibusq; arripere tentat, arreptam, ore pusillo consumit. Hic se magnum Angelum jam exhibuit THOMAS, dum hanc Salutationem quæ prodiit ex ore Angelico, iterum ori admovet, hac pascitur annonâ quæ de Cælis descendit, quæ mundo famelico est demissa. Quis dubitet, adhuc in cunis THOMAM Heroem Angelicum posse nuncupari, quando Castrorum Aciem Ordinatam consumit, quando Clypeum salutis quo hostes Ecclesiae deterreat arripit, Turrimq; ex qua mille Clypei pendent apprehendit. Patrios tantisper lares & dulcia arva relinquens, quinquennis Cassinensem se confert in montem, ut Angelus videatur, scandit summum pietatis cacumen, ut statim à teneris discat immania vitiorum Monstra à summo Cælo, usq; in profundum tenebrarum depellere. Locum Cælo viciniorem occupat, quia nil non sublime sapiet, nil non Cæleste spirabit. Corpore quidem pusillus, at animo grandis cum nemo in eminenti Cassini monte altius mente levatur ad DEUM, quàm Cherubim THOMAS, nemo  
in ora-

in orationibus vigilantior, nemo ferventior in amore Divino, nemo promptior in discendo. Præsentiam DEI tam adstantem coluit, ac si in Cælo esset, attributa ipsius ita contemplantur, ac si in Empyreo resideret. Admiratur eundem Sacra Benedicti Familia, qui nec dum puerilem prætextam egressus, jam aggreditur metuenda Viris, dum sollicita mente quæstionem proponit: *Quid est DEUS?* Detinet me stupor, quod THOMAS puerascens non dum evasit juventam, & de eo discurrere tentat, quod senum ingenia fatigare novit, non dum in voces bene, & jam in Quæstiones altas prorumpit. Transfertur è monte Casini Neapolitanum in Parnassum, in quo scientiam eminentior, artibus excellentior, & celsior intellectu spectatur. Divertit brevi à Musis ad sanctitatis & eruditionis Palæstram, Sacrum Divi Dominici Institutum, ad cellam Religiosam contendit, tanquam ad Cælum ubi mundo altior, erebo inaccessibilis, carni mortuus, DEO soli vivens observandus. Probavit se Cherubinum THOMAS cum Choro Prædicatorum Ordinis adjungitur; ex quo tot magni consilii Angeli in orbem universum missi numerantur. Adjungitur inquam Angelico, quia Dominicanorum Choro, ut pote & habitus candore & cantus tenore, Cæti Angelorum non absimili. Indutus candidiori veste THOMAS in Cælo Dominicano totus Angelus, omnem terrenam abjecit substantiam, ut Spiritus ex integro esset solius gloriæ Cælestis Hæres, animosus Heros Divinus, inimicæ potestatis Victor, terror hostium Ecclesiæ futurus, &

acerrimus fidei Propugnator. Sed hinc obicem ponunt desideriiis THOMÆ Landulphus & Arnoldus Comites, aggrediuntur Cælestem Heroem scelerati Fratres, non amantes, sed amentes instant, ut à sancto recedat proposito. Intruditur Angelus Castro, ut animus ejus ad vota Fratrum captivetur, qui altior turribus, Cælisq; ipsis super eminentior assurgit. Instat & Mater Theodora, novercæ nomen induens, cum furore aggreditur THOMAM qui se putat Angelum, hominem qualem genuit probare intendit, linguâ tanquam gladio, verbis ut jaculis, lachrymis ut globis, ad convincendum eum utitur, sed THOMAS Cherubim intrepidus, hæc non metuit, odia respuit amores contemnit, promissa vilipendit, sola Cælestia in pretio habet. Non subjacet juri Parentum, non arctatur consanguinitatis vinculis, quem Religiosa vincula Angelis colligarunt. Victor gloriosus THOMAS, eodem in campo in quo dimicavit strenuè, subsistit feliciter, unâ tamen reportatâ victoriâ videt gradum ad sequentem. Accurrit pulchro ornata vestimento Medusa, omnium oculos venusta deprædans pulchritudine, THOMAM incarceratum armis amoris aggredi tentat, & caro concupiscit adversus Spiritum; sed hic modus vincendi repugnat Angelicæ puritati, Cherubim castissimus solo DEI fervens amore, nefarios Cypridis ignes neq; sentit, sed adest Angelica virtus fortitudini Ejus, cum ex ardenti foco, accepto titione, impudicum Monstrum procul abigit, ex oculis & animo pellit. Adeste ergo nunc Cælitum Agmina! & emeritum pro Angelica puritate

tate Athletam lauro coronate. Sæva Mater in-  
expugnabilem experta, infensi Fratres Victorem  
stupuerunt, Mundus ad pedes Triumphatoris pro-  
cubuit, caro fugiit ab Angelo, Angelus sine con-  
silio & ope humana è carcere liberatus rediit fe-  
liciter in Patriam Dominicanæ Religionis. Ex-  
pectant Cathedræ THOMAM, summæ perfectio-  
nis Magistrum desiderant Academiæ, Libri suspi-  
rant Lectorem an veriùs futurum Correctorem  
Editorem. Mittitur Coloniam Agrippinam THO-  
MAS magnum Præceptorem nanciscitur Alber-  
tum, in quo ars & natura habet quid miretur. Au-  
dit verba Magistri THOMAS lento passu in studia  
fertur, sed hebes ab initio, convitiis lacepsitur  
à Condiscipulis, detractorio Nomine bovis non-  
cupatur. Bovem & ego THOMAM esse non dif-  
fiteor, sed illum, quem sacer vates Ezechiel, in  
curru gloriæ DEL Cherubinum agnovit. Bos est  
THOMAS, sed ille, qui terribilem, contra hære-  
ses mugitum edet: *Cave tibi hæresis* (quàm olim  
Romæ secundo bello Punico) Bos est THOMAS,  
sed ille, cujus in pectore Sol Aquinaticus, tan-  
quã in signo tauri stationem ponet. Bos est THO-  
MAS, sed ille, quem Joannes loquentem Ange-  
lum mugientem dixit, qui terribiliùs olim lo-  
cuturus est, quàm tonitruantia belli fulmi-  
na, cujus famæ lituus totum resonabit per Or-  
bem. Vaticinatur idem Magnus Professor Al-  
bertus, cùm postea magis ac magis proficientem,  
in sapientia THOMAM his alloquitur verbis: *Tu*  
*mibi non respondentis, sed Doctoris locum obtinere videris.*  
Glorietur suo Chiron Achille Anaxagoras Peri-  
D cle

cle, Possidonius Cicerone, Socion Senecâ, Lyfi-  
as Epaminonda, Ammonius Origene, Antiste-  
nes Diogene, Plato Aristotele, Aristoteles Ma-  
cedone, Plutarchus Trajano, Socrates Aris-  
tippo, Zopyrus Alcibiade, Victorinus Hieronymo,  
Paulus Dyonyfio; Divo Magno Alberto fufficit An-  
gelicus Doctor, qui ex Solo Discipulo THOMA,  
quantæ fuerat perfectionis Magister, bene no-  
fceretur. Æquavit Albertum THOMAS Doctor,  
superavit quia Angelorum Magister, an veriùs  
iple Cherubim altitudine doctrinæ sublimatus,  
excelsâ fapientiâ elevatus. Obstupuit fapientem  
Angelum acies ingeniorum Magisterio THOMÆ  
fubjecta, qui ita DEUM comprehendit in via,  
acfi jam nihil restaret in Patria, quod fibi refer-  
varetur videndum; ita Ejus attributa explicuit,  
acfi ob oculos DEI naturam ftatueret invisibi-  
lem. Ostendit id totum clarè, quidquid fides ob-  
fcura credit, explanavit evidenter illa, quæcunq;  
funt abscondita humano intellectu. Sint aliis in  
ænigmate Cæli Superumq; recessus, Scholæ An-  
gelorum Magistro manifestè patent, qui de Arca-  
nis Divinis fic difcurrit, acfi in fuperum Conci-  
lium intraret, cùm de DEO Discipulos inftruit  
hominem captu videtur excedere, quia Cheru-  
bim verus. Illi enim teste mellifluo Doctore:  
*ex ipfo Sapientia Fonte, ore Altiffimi haurientes, & refun-  
dentes flumina fcientia, univerfis Cæli Civibus infundunt.* (a)  
Communicavit id aliis THOMAS, quod ipfe par-  
ticipavit à DEO, quotquot fortitus Alumnos  
tot Angelos, mente fublimia quæq; docuit per-  
volare, infcruabilia quævis penetrare. Vix Do-

(a) Bernard; Lib. 5, de Confid. cap. 4.

Et oralem assumpsit pennam, protinus ceu Alatus Cherubim in sublimia quæq; elevatō ferebatur ingenio, investigavit quævis incognita, illuminavit invisibilia, attingit quæcunq; aliis inaccessa, Sacramenta Divino latentia sub pectore revelavit, ac exinde Cherubim argumentō Oratoriō comprobandus.

Armatum Cherubim ad custodiendum Paradisum deputatum fuisse, ne post mandati transgressionem Divini, pes mortalis ingrediatur illum, sacra pagina testatur. Militantem in terris Ecclesiam Paradisum ego crediderim, in quo Arbor vitæ ramos expandit salutiferos, fructusq; Redemptionis profert, in quo fons aquæ salientis in vitam æternam, larga stillicidia spargit gratiarum. Paradisus Ecclesia est; ergo ejus Custos Cherubim THOMAS, qui prohibet accessum, nè legis prævaricatores Orthodoxæ, audeant invadere, Sancta Sanctorum nefario profanare nisu, viam Veritatis temerare, statutosq; colendi verum Numen invertere ritus. Lingva cautissima THOMÆ gladius acutus est, ad profligandos quosvis Ecclesiæ hostes, Ipseq; THOMAS malleus falsitatis hæreticæ, & Catholicæ veritatis propugnaculum. Quotquot enim verba scripsit tot gravia hæreticis verbera, quot voces protulit, tot oracula Delphicis longè certiora, tot inquam fulmina adversus impios acatholicos. Insurgant contra Templum DEI Gentiles, Athei, Politheï, Ebionitæ, Buceri, tendant arcum parent sagittas, jacula hæc tangunt quidem



sed non frangunt, reprimat fortis Angelus, con-  
terit vana capita, ipsis erroribus tumescencia.  
*Conclusum est contra Manichæos per THOMAM*, qui fe-  
rè totam Africam pestiferis inficientes errori-  
bus, dum Europæ imminerent limitibus, manu  
Sapientis Angeli procul eliminati, consopiti pe-  
riere. Fatentur THOMAM Cherubinum tot ex-  
puli Prævaricatores de Paradiso Ecclesiæ; profi-  
tentur fortissimum Angelum, lingvâ manuq; po-  
tentem, solidâ scientiâ suâ errores confunden-  
tem, dum exclamant: *Tolle THOMAM & dissipa-  
bo Ecclesiam.* Non desunt quidem strenui pro in-  
tegritate Fidei, pro immunitate Ecclesiæ, pro  
veritatis evictione Athletæ; adsunt Divi Ritûs utri-  
usq; Doctores, sed Abyssus THOMAS sapientiæ com-  
pendium est, inclusit: *Ambrosios, Hieronymos, Augu-  
stinos, Gregorios, inclusit se ipsum, major se ipso & se mi-  
nor, Epithomen fecit alienæ sapientiæ & Summam suæ.* Non  
desunt prædicata laudis, variis eruditione & sant-  
ctitate conspicuis Viris, hos THOMAS S. au-  
æquat, aut docet, aut complet, aut supereminet  
,, ipsis. Non induco huc Petrum Lombardum  
,, Magistrum, Halensem irrefragabilem, Ægi-  
,, dium fundatum, Richardum autoritativum,  
,, Henricum solennem, Alanum universalem,  
,, Scotum Subtilem, Aureolum facundum, Hen-  
,, ricum acutum, Maironem Illuminatum, Oc-  
,, camum ingeniosum, Baconem resolutum, A-  
,, riminensem authenticum, Capreolum solidum.  
,, Dyonisium Extaticum, Victoriam incompa-  
rabilem &c. quorum Dogmatibus altisq; senti-  
men-

mentis Ecclesia & veritas strenuè defendun-  
tur. Angelorum Magistri THOMÆ quan-  
tùm valeat doctrina, approbat sola Increata  
Sapientia CHRISTUS, cùm hīs alloquitur verbis:  
*Bene de me scripsisti THOMA!* Conticescant ergo lin-  
guæ humanæ, ubi Solus DEUS Encomiastes adest,  
sileat in laudibus THOMÆ Orator, ubi Verbū  
Æternū perorat. O! Bene Divinū quod laudes su-  
pereminet omnes, omnem elogiorū complectitur  
summā. Enarrēt CHRISTI Vicarii Romani Pōtifi-  
ces, quòd Summa THOMÆ, tot constat mi-  
raculis quot titulis, tot oraculis quot articulis! plus  
dicit vox Divina *Bene*, Sed non miror ego quòd  
THOMÆ, ab Ipsa Veritate æterna sit datum elogium.  
Cherubim est, vidit hæc in DEO quæ scripsit, parti-  
cipavit ab Inexhausto Sapientiæ Fōte, quæ Libris in-  
stillavit. Quòd altiùs THOMAS sapit, eò humilitate  
profundior spectatur, cùm oblatā à Summo Pontifi-  
ce Neapolitanam Tiaram, acceptare recusat, an i-  
deo, quòd Cherubim altior illā solius hominis pu-  
tat esse decus Pontificale diadema. Trahitur ad Lu-  
gdunense Concilium, ut mens Divina quæ solis An-  
gelis patet elucidetur ab illo, sed cùm fata Ipsum a-  
vocant, redit Cælestem in Patriam unde missus e-  
rat, Tractatus suos relinquens, per quos pax con-  
ciliaretur Ecclesiæ, Articulos præscribens, per quos  
fides consolidaretur orthodoxa, summā reponens  
per quam locus & pretium veritati daretur. Nec  
immeritò Paulus Pontifex V. cum splendidissimum  
*Catholicae fidei probat Athletam, cuius scriptorum clypeo militans  
Ecclesia hereticorum tela feliciter elidit*, Innocentius VI. An-  
gelicam Ejus doctrinam tam fortem stabilem & bene fundatam

E

declarat

*declarat, ut qui eam impugnaverit, semper fuerit de veritate suspectus.* Dum ergo jam THOMAS Angelus corpus deseruit, quod asumpsit, dum Ecclesiam militantem solidâ sapientiâ munitam reliquit, ut à Spiritu Oratorio Cherubin concludatur est necessum.

Applaudes jam tibi Sancta Mater Ecclesia tantò suffulta præfidiò, quòd undiquaq; Angelorûsis stipata satellitiò. Plures enim Sacerrimus Prædicatorum Ordo Magni Consilii fovet Angelos, pro DEO, fide, & Lege à sæculis decertantes. Sydera Cæli computare deberem, si in Dominici Orbe, Viros qui Pontificalibus Triregiis, Cardinalium Purpuris, Præfulcis Tiaris Doctoralibus Mytris fulgebant & fulgere non desinent, enumerare vellem. Sydera computare deberem, si Sanctos Cæli, quos Ordo Dominici fovit & fovere non desinet, Agminibus Cælitum in consortium, tribus Laureolis in complementû, Ecclesiæ in præfidiû; universo in tutamen; syllabò comprehendere vellem Oratoriò. Unde Te non nisi, cujus sub Auspiciis cæpi dictionis Exordium, etiam in Epilogo venerabundus alloquor Doctor Sanctissime. Cherubin es fortissimus, protege sub umbra Alarum Tuarum Aquilam Sarmaticam. Motrix es Sapientum Sphærarum Intelligentia, Palladem Cracianam Studiorum in Regno Magistram, Tuo quotannis de condigno militantem honori, fac Tuo sub Præsidio indefinenti securitate vigere.

Omnibus deniq; scientiam voluntatem & gratiam Divinam communica, sic Cherubim ab omnibus adoraberis, qualem

**D I X I.**



